

玉海



040

1000.24

34832

玉海卷第五十六

浚儀王應麟伯厚甫

藝文

圖

黃帝綠圖

明堂圖

風后圖

見後

賈誼新書修政語上黃帝職道義經天地紀人倫序  
萬物然後濟東海入江內取綠圖西濟積石涉流沙  
登於崑崙一河圖挺佐輔黃帝齊七日至翠嬀之川  
魚沂流而至汎白圖蘭葉朱文以授帝與天老迎之  
帝舒視之名曰錄圖

中侯曰河龍圖出洛龜書  
感赤文像字以授黃帝

淮

南子至德之世洛出丹書河出綠圖 書正義緯候

之書乃稱有黃龍元龜白魚赤雀負圖衛書以授聖人正  
典無其事漢自哀平之間緯候始起假託鬼神妄稱  
祥瑞 選注世本曰史皇作圖宋忠曰史皇黃帝臣  
圖謂畫物象 尚書璇璣鈴孔子曰五帝出受錄圖

### 伊尹九主圖

史記伊尹從湯言素王及九主之事注劉向別錄九  
主者有法君專君授君勞君等君寄君破君固君三  
歲社君凡九品圖畫其形索隱曰九主者三皇五帝  
及禹 家語孔子觀於明堂覩四墉有堯舜桀紂之

象各有善惡之狀興廢之誠

周丹圖

禮秋官司約小約劑書於丹圖注丹圖未聞或有雕器簠簋之屬有圖象者與春秋傳著於丹書今俗語有鐵券丹書豈此舊典之遺言

周明堂周公圖

家語觀周第十一孔子觀乎明堂觀四門墉有周公相成王抱之負斧屨南面以朝諸侯之圖孔子曰此周之所以盛也 有周盛時褒賞功德或藏在盟府或紀于太常或銘於昆吾之鼎獨周公有大勲勞於



天下迺繪象于明堂之墉期億萬年無忘師保之德使覩之者肅然動心願竭忠盡瘁追配前人褒崇勸獎之道於是爲至

齊管子幼官圖

管子經言幼官篇第八注幼始也陳從始輔官齊政之法幼官圖第九有五方本圖有五方副圖西南中北東注云此立時之政管氏別五其圖謂之方圖而土位居中

漢三禮圖 唐三禮圖 周明堂宗廟圖

後魏禮志阮誥禮圖并載秦漢已來輿服阮氏圖彙

車亦飾以雲母

魏志注阮謏字士信造三禮圖傳于世

隋志三禮圖九卷鄭元及後漢侍中阮謏等撰周室  
王城明堂宗廟圖一卷祁謏撰梁又有冠服圖五宗  
圖月令圖各一卷周官禮圖十四卷

**唐志**夏侯伏

明三禮圖十二卷

著錄

張鎰三禮圖九卷

不著錄

藝術有

禮圖等雜畫五十六卷

崇文目三禮圖九卷梁正撰

**續漢志**術氏冠官有其圖注

**光武紀**初起明堂

注禮圖曰明堂上圓下方

隋書宇文愷云建武三十年作明堂禮圖有本

仲長統傳發清商之妙曲注三禮圖曰琴本五弦曰

宮商角徵羽文王增二曰少宮少商絃最清也 明

堂位疏引阮謏禮圖云犧尊畫以牛形 春秋疏引

阮謏三禮圖冕制 **隋禮儀志**引禮圖曰璫綴於革

帶阮謏以爲有章印則佩之又大裘而冕案三禮衣

服圖高山冠武弁亦引禮圖 **北史**劉芳傳諸家禮

圖社稷皆畫爲木惟誠社誠稷無木 吳薛綜定五

宗圖 楊傑補正三禮圖次篇序曰禮圖之次一曰

地制 八卷 二曰丘壇 一卷 三曰宗廟 二卷 四曰宮室

五曰庠序 共一卷 六曰衣冠 一卷 七曰車旗 二卷 八曰

寶貨 一卷 九曰物用 二卷 十曰樂制 一卷 十一曰武

制 二卷 十二曰曆象 三卷 十三曰失令災應 其二卷

通圖議三卷叙目三卷爲三十八卷

漢周公負成王圖

**霍光傳**上察群臣唯光可屬社稷迺使黃門畫者畫周公負成王朝諸侯以賜光後元二年春光問誰當嗣者上曰君未諭前畫意邪立少子君行周公之事

**周章傳**論身非負圖之託注武帝欲立昭帝爲天子乃畫周公負成王圖賜霍光

漢禹貢圖

**王景傳**

見地理漢汴渠

平當以經明禹貢使行河

**國史志**

孟先禹貢治水圖一卷

漢兵家圖 兵形執圖 陣圖見後

藝文志兵權謀吳孫子兵法圖九卷齊孫子圖四卷  
兵形執十一家圖十八卷楚兵法圖四卷孫軫圖二  
卷王孫圖五卷魏公子圖十卷兵陰陽圖十卷黃帝  
圖三卷風后圖二卷鳩冶子圖一卷鬼容區圖一卷  
別成子望軍氣圖三卷兵技巧鮑子兵法圖一卷五  
子胥圖一卷苗子圖一卷凡兵書五十三家圖四十  
三卷任宏校兵書分四種

蕭何入咸陽先取秦圖書 王儉七志一志專收圖

譜謂之圖譜志 阮孝緒七錄內篇有圖七百七十

卷外篇有圖百卷

漢官室制度圖

見官類

漢官鹵簿圖

見鹵簿

漢外屬圖

竇融傳上書請師期以伐隗囂帝賜融以外屬圖及

大史公五宗

景帝子三人而母五人同蕃爲一宗

史記魏其侯列

傳詔報曰每追念外屬孝景皇帝出自竇氏定王景帝之子朕之所祖昔魏其一言繼統以正長君尊奉

師傳修成淑德施及子孫此皇太后神靈上天所以佑漢也

漢御座新屏列女圖

宋弘傳建武中御座新屏風圖畫列女帝數觀視之弘曰未見好德如好色帝卽爲撤之梁后紀常以列女圖畫置左右以自監戒注劉向撰列女傳八篇圖畫其象又見屏風類班婕妤賦陳女圖以鏡監兮願女史而問詩

漢秘書列仙圖 列仙傳

東平王蒼傳建初六年冬上疏求朝明年正月帝

許之遺謁者賜貂裘三月鴻臚奏遺諸王歸國帝特  
留蒼賜以秘書列仙圖道術秘方 隋經籍志漢時  
阮蒼作列仙圖劉向校理經籍始作列士列仙列女  
傳列仙傳讚三卷劉向撰酸續孫綽讚又二卷晉郭  
元祖贊 集賢注記云阮蒼仙圖一卷集賢無本

漢神輪圖

藝文志 易類 神輪五篇圖一劉向云王道得則四海  
輪之祥瑞也

晉爾雅圖

見上



梁職貢圖

見朝貢

三子卅一

藝文類聚梁元帝職貢圖 名畫記元帝書職貢圖

并序外國貢事 唐地理志梁元帝一卷

崇文目同

書目云其自序云乃纂百國一卷今存二十有七

李公麟有帖云梁元帝鎮荊州作職貢圖首虜而終  
蠶凡三十餘國今纔二十有二其一曰魯國南史及  
通典太平御覽皆無魯國與丙丙國其下二十國則  
有之河南中天竺師子北天竺渴蹉陀武興蕃滑波  
斯百濟龜茲倭因古柯呵跋檀胡密丹日題末林邑  
婆利宕昌狼牙修皆朝貢於梁者武帝紀中又有扶

南鄧至于闐蠕蠕高麗于阇利新羅盤盤丹丹九國  
豈圖之所遺邪亦不見所謂蠶者疑丙丙與芮芮相  
類卽蠕蠕也通志云二十八國 崇文曰又有職貢  
圖三卷 名賢畫錄闡立德職貢圖

唐正會圖 王會圖 朝貢圖

東謝蠻傳正觀三年其酋元深入朝冠烏熊皮若注  
旄以金銀絡額被毛帔韋行滕著履中書侍郎顏師  
古因是上言昔周武王時遠國入朝太史次爲王會  
篇今蠻夷入朝始元深冠服不同可寫爲正會圖詔  
可帝以其地爲應州卽拜元深刺史 藝文志顏師

古正會圖卷亡 通鑑正觀三年閏十二月丁未東

謝酋長謝元深南謝酋長謝強來朝顏師古請圖寫

以示後作王會圖從之

通鑑考異云實錄新舊傳皆

云王會圖按周書有王會篇柳宗元饒歌呂述黠憂

斯朝貢圖皆作王會今從之

黠憂斯傳阿熱破回鶻

得太和公主遣使衛送還朝復遣注吾令素上書三

歲

會昌

至京師武宗大悅班渤海使者上以其處窮

遠能修貢命大僕卿趙蕃持節慰其國詔宰相卽鴻

臚寺見使者使譯官考山川國風宰相德裕上言正

觀時遠國皆來中書侍郎顏師古請如周史集四夷

朝事爲王會篇今點憂斯大通中國宜爲王會圖以

示後世有詔以鴻臚所得績著之詔阿熱著宗正屬

籍點憂斯古堅昆國也止觀二十二年遣使獻方物

其酋長俟利發入朝高宗世所來朝景龍中獻方物元宗世四朝獻乾元中爲**志**地理呂述點憂斯

朝貢圖傳一卷全書昌秘柳宗元鏡歌既克東蠻群

臣請圖王會百辟拜稽首咸願圖形容如周王會書

求末傳無窮睢盱萬狀乖呶盟九譯重詳見朝貢

類

### 唐太宗寫真圖

舊紀開元十八年奚契丹犯塞六月丙子以肅宗爲

河北道元帥命百寮於光順門相見張說謂學士孫  
逖韋述曰嘗見太宗寫真圖忠王雅頽聖祖此社稷  
之福 乾元元年四月丁未內出皇帝寫真圖自光  
順門送太清宮 志有韋無忝畫皇朝九聖圖

唐忠孝圖 君臣圖

會要正觀十三年十一月三日揚州長史李襲譽撰  
忠孝圖二十卷上之太宗覽而稱善 陸質著君臣  
圖翼三十五卷舊史二十五卷襲譽永正年  
傳東宮為古君臣圖以獻 志李襲  
譽忠孝圖傳證二十卷傳記類

唐本草圖

志醫術類本草二十卷藥圖二十卷圖經七卷顯慶

四年李勣等撰蘇敬新脩本草二十一卷又新脩本

草圖二十六卷圖經七卷 雜藝術類王定畫本草

訓誠圖 正觀尚方令 于志寧傳與李勣修定本草

并圖五十四篇太宗稱善 會要顯慶二年右監門

長史蘇敬上言請加刪補令勣監定并圖五十卷至

四年正月十七日上之

唐秘閣梁南郊圖

車服志睿宗時皇太子將釋奠有司草儀注從臣乘

馬着木冠左庶子劉子元議曰議者以秘閣梁南

郊圖有衣冠乘馬者此圖後人所為也古今圖畫多  
矣如畫群公祖二踈而有曳芒屨者張僧繇畫昭君入  
匈奴而有施帷冒者欄立豈可因二畫以為故實乎  
謂衣冠乘馬宜省太子從之編于令

**隋志**

禮類

梁有郊祀圖

二卷六

唐內殿無逸圖

崔植傳長慶初穆宗問正觀開元治道植曰元宗即  
位得姚宋納君於道璟嘗手寫無逸為圖以獻勸帝  
出入觀省以自戒其後開元朽暗乃易以山水圖稍怠

于勤今願陛下以無逸爲元龜。季珏傳武宗新聽政，珏數稱道無逸篇以勸。會要長慶元年八月崔植對云：開元初宋璟爲相，手寫無逸一篇爲圖以獻。元宗置之內殿，出入觀省。唐國史紫宸殿設無逸圖。

唐明堂圖

權德輿傳元和六年三月對曰：太宗見明堂圖，始禁鞭背之制。志云：覽明堂針灸圖。會要正觀四年十一

月十七日制決罪人無得鞭背。隋志：醫方梁有神

農明堂圖一卷。甄權傳撰脈經針方明堂等圖傳



于時

唐五位圖

王起傳起字舉之文宗好古學是時鄭覃以經術仕  
王起以淳朴顯起加皇太子侍讀

開成初判太常卿事

上使廣

五位圖俾太子知古今治亂帝常以疑事令使者口  
質起具榜子附使者上凡成十篇號曰寫宣 志編

年類五位圖十卷廣五運圖卷亡曹圭五運錄十二

卷 崇文總目王氏五位圖三卷

書目同

自開闢至唐

以五運爲序 宋朝至道二年四月甲申屯田郎呂

奉天言司馬遷史記王起五位圖歲次朔閏皆與經

傳不合

唐太液亭君臣爭迹圖 尚書圖

文宗太和二年自撰集尚書中君臣事迹命畫工圖  
太液亭朝夕觀覽 明皇內殿無逸是張文宗太液  
尚書是錄

唐孝友傳圖 唐朝綱領圖 聖運圖

李棲筠爲常州刺史大起學校堂上圖孝友傳示諸  
生爲鄉飲禮人人知勸爲石頌德進銀青封贊皇

子 **志** 雜史南卓唐朝綱領圖一卷 起高祖訖宣宗

陟廢置 薛璫唐聖運圖二卷 崇文目同

之要

唐毛詩草木蟲魚圖

見詩類

二十卷開成中楊嗣復等上

一云毛詩

物象圖

唐占額供軍圖

詳見會計類

均田圖

王彥威傳開成初名爲戶部判度支奏曰臣按見財  
童入爲出隨色占費終歲用之無毫釐差因上占額  
圖又言至德訖元和大都通邑皆有兵最凡八千餘  
萬長慶籍戶三百五十萬而兵乃九十九萬率三戶  
資一兵今舉天下之入歲三千五百萬上供者三之  
一又三之二則衣食節給焉自留州送使外餘四十

萬衆皆仰度支又爲供軍圖上之

**志職官類占額**

圖一卷

均田圖

元楨

唐帝王曆數圖

書且十卷唐路惟衡撰起自周秦至于隋氏曾子玉以惟衡所撰自周已後其開闢以來並不載故依五運圖錄之以備一家之文大唐聖運圖畧三卷薛璿撰起高祖訖武宗帝王曆數歌一卷大和元年劉軻以帝王年號世數次而爲歌見氏志帝王鏡略馮鑑續至唐末

唐奏樂圖

玉維傳人有得奏樂圖者不知其名維視之曰霓裳  
第三疊第一拍也好事者集樂工按之一無差誤咸  
服其精思 新史云按樂圖

唐宰相圖

崇文日職官類二卷起高祖訖昭宗宰相各氏拜免  
年月 中興書目云唐宰相歷任訖

唐衣冠盛事圖

五卷竇氏撰 皇朝衣冠盛事一卷錢明逸撰

唐三宮圖

通志唐太極大明興慶三宮圖一卷 晁氏志服飾

圖三卷唐李德裕編共五十五事

唐國要圖

志職官類大唐國要圖五卷左僕射賈耽纂監察御

史褚璆重修

崇文日地理類

孫結大唐國照圖一卷

文宗時人

唐制舉科目圖

一卷不題撰人凡七十六科仕至宰相者七十二人  
詳見科舉

建隆洛陽宮殿圖

見後 建隆三年五月詔廣皇城命有司畫洛陽宮

殿按圖而修之

建隆重集三禮圖 至道國子監三禮圖

禮象

建隆三年五月丙寅國子司業兼太常博士聶崇義

表上重集三禮圖二十卷

冕服第一至日錄第二十

賜三品服仍

命詹事尹拙集儒學之士重加參議

周世宗詔崇

義參定郊廟器玉

顯德四年二月庚午詔有司更造祭器祭玉命國子博士崇義爲之

又詔學士竇儼統領之崇義因取三禮圖再加考

正

三禮舊圖是隋開皇中勅官修撰

建隆三年表上儼爲序曰聶崇

義博采三禮舊圖凡得六本凡舊圖之是者則率由

舊章否者當理彈射其新圖凡二十卷附於古今通

禮之文是書纂述之初詔儼統其事故作序焉太祖  
覽而嘉之詔所進圖令尹拙駁正崇義復引經釋之  
乃以儼裁定以尹拙駁議及崇義答議各四卷再加  
詳閱隨而增損列於注釋共分十五卷詔頒行之拙  
崇義復上祭玉鼎釜異同之說詔下尚書省集議張  
昭等議曰四部書目有三禮圖十三卷是隋開皇中  
敕禮官修撰其圖第一第二題梁氏第十後題鄭氏  
今書府有三禮圖亦題梁鄭後有梁氏者集前代圖  
記更加評議題曰陳留阮士信受禮學於潁川綦母  
君取其說爲圖三卷多不按禮文而引漢事其阮士



信卽謚也 云云 請圖金鑊于鼎下從之 尹拙又言衮

冕而下君臣合畫充耳竇儀議從之 目錄序云舊

圖十卷形制缺漏文字省畧名數法式上下差違 前後

六本大同小異唐張鑑洎諸家所撰 蓋久傳不知所自崇義於顯德三

年冬十月定郊廟器玉因遂刪改其名數雖殊制度

不別則存其名畧其制瑚簋車輅之類是也名義多

而舊圖畧者就而增之射侯喪服之類是也有名無

制者畧而不圖仍別敘目錄共爲二十卷 冕服第一至喪器第

十九終以 凡所集注皆周公正經仲尼所定康成所

目錄一卷 注傍引疏義事有未達則況以漢法圖有未周則詳

於目錄建隆二年四月辛丑第叙訖冠冕衣服見吉  
凶之象宮室車旗見古今之制弓矢射侯見尊卑之  
別鐘鼓管磬見法度之均祭器祭玉見大小之數玉  
璧繅藉見君臣之序喪葬飾具見上下之紀 實儼

序又曰國朝創制彝器車服博采三禮舊圖凡得六  
本大同小異遂鑽研尋繹躬命績素不差毫釐率文  
而行恐迷其形範以圖爲正則應若宮商 至道二

年

丙申

八月丙辰

十八日

詔翰林畫工二人圖三禮品

物制度於國學講論堂之壁以舊壁頽落以板代之  
三年秋七月癸酉始甲李至撰記曰崇義書成天子

詔國學圖於宣聖殿後北軒之壁歲久闇落聖上命  
改作於論堂之上以版代壁丹青爛然安上治民移  
風易俗禮樂之本也玉帛鍾鼓禮樂之末也聖人務  
本以求理存末以致用新圖既成與夫畫洛神之賦  
尚列女之屏豈同年而語哉咸平二年七月甲辰

幸國子監詔講書因閱三禮圖天聖二年八月己卯  
幸監講論語覽七十二子贊觀東序圖繪禮器龍圖  
直學士馮元援三代制度以對二禮圖政和五年六

月丁巳

十九日

校書郎賈安宅言崇義圖義皆諸儒臆

說

王晉謂崇義出於臆度未嘗親見右器

於經無據國子監三禮堂實

什圖繪下至郡縣學問亦有之不足示學者宜訂集  
臣編次方今禮樂新制器用儀繪於圖著其義且爲  
成書頒焉詔三禮圖及邵縣學繪畫圖象並改正舊  
所繪兩壁三禮圖並毀去宣和元年五月二十七日  
詔諸州祠祭器令禮制局繪圖放降依圖製造銅器  
以漆爲之

**書目**三禮圖二十卷崇義傳承舊圖凡

六本考正是不以續素而申釋之**三禮圖**駁議二十卷  
不知作者禮象十五卷陸佃撰圖其物象而爲之釋  
以救舊圖之失元祐七年三月序 呂大臨考古圖

十卷裒三代秦漢尊彝鼎之屬繪于幅辨論形制文

字。王楚博古圖二十卷集三代秦漢彝器繪形範

辨款識。秘書省古器舊藏四百十八續藏四十。

慶元四年繪畫為圖其高廣大小款識皆紀載為五

袞藏于經庫凡商器七十六周器一百六十五漢器

一百十二唐器二不知年代者九十七不知名者二

十三。嘉定六年七月續藏古器八十三續畫為一

冊通前六冊續畫自日六卷觀其器誦其言形容髣

髴以追三代之遺風如見其人

太平興國御製回文圖

八年十一月己未御製蓮花心輪回文偈頌十部其

一百五十卷。圖文圖十軸。以示宰相近臣。國史志有太宗基圖一卷。

雍熙運曆圖

書目三卷。雍熙四年龔穎撰。三代末紀甲子。以秦昭襄王五十一年乙巳滅周爲曆運之始。至雍熙四年丁亥。計一千二百四十四年。紹運圖一卷。元祐諸葛深撰。自三皇至宋。北史後魏張彛上歷帝圖五卷。起元庖犧。終於晉末。凡十六代一百二十八帝。歷三千二百七十年。雜事五百八十九。宣武善之。

端拱歷代年紀圖

嘉靖丙辰年作。每卷五十一。一。監生吳一治刊。

端拱元年正月壬午殿中侍御史龔穎編歷代年紀為二圖來上優詔褒之歐陽脩稱其精博 **龔氏志龔**

穎運歷圖六卷起秦昭王乙巳止雍熙丁亥

淳化大射圖

見後

淳化入閣圖 祥符入閣圖

淳化二年上以入閣舊圖承五代草創禮容不備於是命史館脩撰楊徽之等討論故事別為新圖十一月丙寅朔遂行其禮於文德殿 景祐元年本十二月時政十議議入閣曰唐寶曆後常以月朔御紫雲殿

行入閣之禮太祖五行其禮多御崇元殿

今天安殿

備殿

中金吾諸仗設待制候對官乾德之後改御大明殿

卽今集英

太宗三行其禮別定新儀就文德殿廷增設黃

麾伏真宗亦三行之繪圖講習藏之禁閣茲禮之廢

向踰二紀 初景德四年十二月詔朝會並依入閣

圖儀制排定祥符七年四月丁巳

二日實錄丙辰朔

東上閣

門使魏昭亮言入閣圖殿上侍立臣僚皆唐時職官

與今名品異請依新定儀制重畫從之天禧二年十

二月壬寅禮儀院言儀制圖內言閣門通事舍人請

去閣門字從之熙寧四年正月韓維以入閣舊圖增



王制卷五十一  
三百廿  
損裁定爲文德殿視朝儀甲寅上之 李宗諤曰朝  
會圖門下省典儀設版位御史中丞班在丹墀上兩  
省官後立

至道南郊圖

見郊祀

咸平國田圖

見觀書

占額圖

三年十一月壬午監鐵使陳恕上占額圖

咸平龍圖閣五經圖

見觀書

景德崇和殿尚書禮記圖

中庸圖

祥

符尚書圖

景德四年九月庚午宴近臣于龍圖閣之崇和殿翰林學士邢昺赴曹州刑書溫仲舒宋白吏侍郭贇預焉昺視壁掛尚書禮記圖指中庸九經事講述其大義序修身尊賢皆有倫理在位聳聽上嘉納之賜詩二首寵其行命羣臣咸賦 祥符二年九月丁丑十二日召宗室觀書龍圖閣因覽尚書圖 皇祐之無逸圖治平之洪範屏

景德歷代君臣圖

三年九月庚申草澤許可獻治平書歷代君臣圖

景德禮記圖

見禮類 陳祥道禮圖亦見禮類

景德合班圖

見禮制

祥符宗室班圖

見宗戚

祥符釋奠祭器圖

二年正月甲子

八日

詔禮院定州縣釋奠禮器數圖其

制攷之

見社稷

二十九日禮院言先聖先師每坐

樽二籩八豆八簋二簋二俎三饗一洗一篚一巾

燭一爵四坩二從祀各籩二豆二簋一簠一俎一燭  
一爵一十二月龍圖待制戚綸依少府監所用禮器  
制度繪圖一卷并寫開寶禮外州釋奠儀以獻請付  
禮院參詳三年六月丙辰日詔曰嚴師重道勸學之  
令猷釋奠陳牲薦誠之彛典儒臣上言慮郡國未詳  
俎豆之事乃命龍圖待制戚綸與太常禮院討論酌  
簡冊之文著庠序之式圖繪頒行其釋奠元聖文宣  
王廟儀注及祭器圖令崇文院摹印下禮院頒諸路  
書目有崇寧頒行一卷 淳熙七年二月頒尊爵

前度

見釋奠類

歐陽公曰釋奠釋菜祭之畧者也古者士之見師以菜爲摯故始入學者必釋菜以禮先師學官四時之祭乃皆釋奠釋奠有樂無尸而釋菜無樂則其又畧也今釋奠幸存然亦無樂又不徧舉於四時獨春秋行事而已

祥符四圖

五年十二月丁亥名宗室近臣觀祀汾陰后土壇朝覲親奠西嶽廟及祥瑞四圖於龍圖閣 六年二月丙寅名諸滋福殿觀聖祖臨降及衆真列侍圖

祥符四夷述職圖

見內附類 政和六年二月二十八日翁彥約言國  
家天覆萬國化行方外梯杭輻湊史不絕書其贊幣  
服飾之瓌奇名稱狀貌之詭異多所未載今圖畫表  
章藏在禮部宜命有司編集成書如周家王會之篇  
詔禮部編集

天禧太禮稱慶合班圖 景祐立班圖

天禧三年十一月九日辛酉閣門禮阮上大禮稱慶  
合班圖皇太子序位在宰相上太子懇避寇準面陳  
儲副之重不可謙抑望遵儀制凡再請乃許辛未升  
壇祀天地禮畢御皇禧殿皇太子賀于殿上宰臣率

百官賀于廷中 景祐四年九月十一日庚戌詳定  
閣門儀制所言紫宸垂拱殿起居臣僚左右位上欲  
鑄字記之并立班圖用絹別寫四本二進內二付閣  
門從之 又見景德閣門儀制

景祐百官圖

天聖元年王欽若謂平時百官敘進有常法爲敘遷圖  
以獻異便省覽景祐三年天章待制范仲淹言治亂  
係用人得失此宰相之職因爲百官圖以獻指遷進  
次序遲速曰如此而爲公爲私不可不察 五月丙戌  
出守饒州

紹興初命宋棐編修差除格目

景祐雜坐圖

四年三月二十三日集賢校理趙良規言按天聖編  
敕學士知制誥待制三司副使正官未至五品並同  
五品官例又按雜坐圖學士在兩省侍郎之下尚書  
丞郎之上中書舍人知制誥待制在留後之下祕書  
監之上三司副使在少卿監之上又按閣門儀制大  
宴學士坐殿上與僕射同行知制誥亦坐殿上與尚  
書丞郎同行若曲宴則三司副使預坐卽在知制誥  
之後重行異位

慶曆觀文鑒古圖



慶曆元年

康定二年辛巳  
卽慶曆元年

七月戊申朔出御製觀文

監古圖記以示輔臣

繪列百篇  
合爲十卷

初康定二年七月巳

卯命圖畫前代帝王美惡之迹可爲規戒者號曰觀

文鑒古圖上自爲記凡十二卷

藝文志  
云十卷

百二十事每

事帝自爲一篇始黃帝夢風后力牧終長孫皇后賞

魏元成諫慶曆四年二月丙辰御迎陽門召輔臣觀

之書目觀文監古圖十卷康定二年仁宗親述并

爲之序

先是學士蘇紳言唐憲宗令近臣具前代得

失之迹繪圖以觀

會要慶曆四年二月二十三日

丙辰御崇政殿西閣四壁各張畫圖前代帝王美惡

可爲規戒者命兩府觀之 元祐五年五月范祖禹  
請哲宗覽此二圖可以見美惡之迹知創業之難紹  
興五年二月十九日毛剛中上鑒古圖記十卷

慶曆三朝訓鑒圖

慶曆八年八月庚辰知制誥楊億被旨檢討三朝事  
迹乞與內翰李淑同編纂凡得祖宗故實事大體重  
者百條爲十通命待制高克明等設色其上十月庚  
辰御製序賜名其序畧曰太祖以神武肇基太宗以  
英文紹復思皇真考對越靈期莫不兢業以臨朝機  
憂勤而靖王略總御臣之威柄謹制世之令謨朕明

於聳慕夕惕嚴祗申詔信文論次舊聞得祖宗之故  
以事大體重者百條繪采綴語釐爲十通設色在上  
口載綱源執簡嗣書兼資義解几杖勒銘 圖取正  
則古垂範保邦守成然而稽之先民孰若稽之往訓  
呈祐元年二月纂成進呈十一月庚寅朔御崇政殿  
召近臣及堂諫館閣宗室觀之一云召觀於迎陽門  
當以崇政者爲是  
鏤板印采賜大臣宗室其圖始於親征下澤潞平  
楊終於真宗禁中觀稼飛山觀礮凡百條 書曰  
太祖有訓蓋于先王成憲命名之義允協于此舊日  
缺其圖又誤以仁宗御製後序冠于卷首續書日采

繪俱全 書目三朝訓鑒圖十卷李淑撰仁宗御製  
序今繪采皆闕 光掩鑒古輝映無違

慶曆百官圖

書目文武百官圖二卷慶曆中太常博士萬當世撰  
採本朝合班儀新令文具員故事等分門引類載階  
勲爵邑品秩俸祿之要爲上卷以天聖中左僕射平  
章事王欽若所撰遷敘圖及合班儀封爵俸祿例爲  
下卷

慶曆景德禦寇圖

慶曆五年九月癸巳詔近臣考先朝正史實錄爲景

德禦寇圖錄寶訓云中丞王拱辰言乞詔近臣詳定景德禦寇圖上命采閱先朝史錄而考詳之

皇祐邇英閣無逸圖 孝經圖序

皇祐四年十二月甲午知制誥王洙蔡襄上所書無逸孝經圖初十一月甲辰侍讀楊安國講尚書無逸上曰朕深知享國之君宜戒逸豫因請書無逸篇於邇英閣之後屏上曰朕不欲背聖人之言當書置之坐左又命侍請丁度取孝經天子孝治聖治廣要道四章對爲右圖因令襄書無逸洙書孝經又命承旨王拱辰爲二圖序而襄書之 一云仁宗初建邇英

閣書無逸於屏間歲久而弊以白居易賦代之侍講  
楊安國請復書無逸上欣然命王洙書之置之左方  
又命丁度取孝經之天子聖治孝治廣要道四章一本  
無聖治對爲右圖命蔡襄書之 按邇英延義二閣

建於景祐二年正月癸丑孫奭爲侍講學士嘗書無

逸圖上之請施便坐帝施於講讀閣今日歲久而弊

者當是奭所上之圖 元祐二年十月丁未范祖禹

乞於邇英閣復張掛王洙蔡襄所書無逸孝經圖從

之 周公無逸以勤爲先孝經四章以孝爲本 天

聖說無逸慶曆講孝經 中負黼屨左顧右盼

至和周禮器圖 嘉祐周禮樂圖

至和元年九月丙寅

實錄會要同或作皇祐五年

翰學王洙上周

禮器圖先是洙講周禮上因命畫車服冠冕籩豆簋簋之制及圖成而上之 皇祐五年九月十九日上觀新樂及晉鼓三牲鼎鸞刀于崇政殿 嘉祐三年閏十二月十九日皇姪克頡上周禮樂圖 書目有龔原周禮圖十卷 孫奭撰樂記圖

仁宗御製洛書五事圖

仁宗御集有洛書五事圖一卷 范祖禹云仁宗最深洪範之學每有變異恐懼修省必求其端

治平曆

治平元年十一日云三日司馬光自周威烈王二十三年

盡周顯德六年爲歷年圖五卷凡一千三百六十二

年略舉每平六卷編次爲圖上之以便觀覽每年一

行共十行爲一甲六重爲一卷言人君之德三仁明武人廿之才五創業今本六卷一云七卷起共和

守成護夷中並亂仁上下凡千自威烈二十二年上距共和元年增多四

百三十有八年蓋晚年所修餘見後稽古錄

劉放易其名曰帝統編年紀事珠璣第爲十卷以著論爲

一卷總十一卷首卷序三皇迄皇朝世次大略歷年

圖所無

嘉靖丙辰年



治平八廟圖

一卷

元祐無逸圖

二年平章軍國重事文彥博上奏曰。邇英北壁有仁祖朝講官王洙所寫無逸圖。臣慮禁中或未有此圖。敢寫錄四軸。并一卷上進。望於殿內張掛。及置於几。按以便聖覽。

元祐二年十月。侍講范祖禹言。今邇英閣尚書圖序。于外間而無逸。孝經二圖不復張列。蔡襄所書圖序。置在御座之後。因脩展邇英閣。方徹去。却書于屏間。

乞依舊張掛三圖並列如仁宗朝故事

元祐仁宗御書三十六事圖

元祐六年三月庚申朔御邇英閣宰相呂大防言仁

宗所書三十六事

一本云三十五事

請圖寫坐隅以備親覽

從之

詳見御書

上曰官中有此本蓋向時寶訓所進也

宣和博古圖

又見錄類

劉敞

得先秦古器十有一模其文圖其象爲先秦古

器圖

一卷又爲贊

元祐中呂大臨以所閱三代尊

彝鼎之器傳摹面寫論次爲考古圖十卷李公麟爲

古器圖

一卷又爲序贊

徽宗道兼三皇萬古之器

並出會于天府品之多五十有九數之多五百二十  
有七舟車所貢又百倍此清燕之間第其時物繪其  
形制識其各欸各有次第凡禮之器鼎爲先簠簋次  
之樂之器律爲先鐘磬次之有典制之器有征伐之  
器有常用之器有燕閒之器旣成名輔臣親王御崇  
政殿觀之 政和二年七月己亥置禮制局三年六  
月庚申因中丞王甫乞頒宣和殿博古圖 儒臣考  
古制度遂詔討論三代古器及壇墠之制改作俎豆籩  
簠之屬十月十四日手詔云哀集三代盤匱壘鼎稽  
考取法以作郊廟禋祀之器煥然大備

中興書目

傳古圖三十卷宣和殿所藏彝鼎古器圖其形辨其  
款識推原制器之意而訂正同異 紹興十三年二  
月二十七日臣僚請攷宣和博古圖於太常俾禮官  
討論釐正改造祭器從之 晁氏志博古圖二十卷  
王楚集三代秦漢彝器繪其形範辨其款識增多呂  
氏考古十倍此又書也 薛尚功編考古博古之類爲  
鐘鼎款識二十卷

紹興講殿御書無逸圖

五年四月庚戌上諭輔臣曰昨日配范冲論仁宗

建通英閣冲爲侍講轉對言命蔡襄等書無逸孝經圖列於

左右元祐初冲父祖禹爲侍講乞檢尋二圖如仁宗  
故事哲宗從之冲勸朕手寫無逸爲二圖設於講殿  
之辟今已寫就趙鼎曰冲以世官侍經筵乞修祖宗  
故事宜也陛下親御翰墨不崇朝而圖成仰見從善  
汲汲之意沈與求曰願以是圖爲元龜夙夜自儆

七年九月一日內出無逸篇四軸付講筵所遇講日  
安掛

紹興資善堂孝經圖

五年六月巳酉建國公孝宗五月巳亥封初出資善堂上命見

資善范冲贊讀朱震皆設拜冲等每因牋奏導國公

以仁義之言輒標軸藏之時一展玩國公嘗得李公  
麟所畫孝經圖沖書其後畧曰孝者自然之理天地  
之所以大萬物之所以生人之所以靈綱常之所以  
立學然後知之習與性成是謂純孝豈不見夫諸侯  
車服之美儀物之盛尊榮如此國公以幼學之年享  
寵祿之厚盍思所以保富貴之道乎故沖以諸侯之  
事爲獻曰戰戰兢兢如臨深淵如履薄冰周之諸侯  
其入而居於王所皆謂之卿士故沖又以卿大夫之  
事爲獻曰夙夜匪懈以事一人國公其勉之

洪邁曰  
李公麟

作孝經圖繪王

者朝事母后

乾道御製敬天圖

七年正月己亥出敬天圖以示輔臣上曰無逸一篇  
享國久長皆本於寅畏朕近日取尚書所載敬天事  
編爲兩圖朝夕觀覽以自儆省名之曰敬天圖虞允  
文奏古人作無逸圖猶夸大其事陛下盡圖書中敬  
天事又遠過之惟聖人盡躬行之實敬畏不已必有  
明效六月乙卯上曰敬天事已纂成圖置之坐右朝  
夕自省一日引卿等便殿觀之又曰人主儻不畏天  
尚何所畏允文奏願頒此圖刻之琬琰上曰作數語  
并圖付出不嘉熙三年亦製是圖淳熙四年五月己酉宗正少

新程叔達進對言玉音許宣示敬天圖願得稽首拜  
觀上顛左右取圖至命叔達起觀上亦誦讀每至前  
跪王者或不能敬畏修省則曰此圖美惡並著亦欲  
以之儆戒至無逸篇則曰無逸言人君享國久長由  
嚴恭寅畏所致尤當以爲法

孝宗一議蠲放之令而日有戴氣一萌祈禱之念而  
雨區霽霽誠心所召其吞如響

嘉熙敬天圖

御製敬天圖序曰朕觀書契以來極茂建聖賢大  
訓布在方策其言治國平天下之道無出於六經而



求之六經之要一日不可違者其惟天道乎大槩易明其理書正其事詩通其情周典備其禮春秋志其變記禮則雜紀焉者也人主知天之當敬視六經格言如金科玉條罔敢踰越則逸德鮮矣仰惟祖宗丕靈承帝事撫有方夏列聖垂謨無一息不以敬天爲心國史登載難以殫舉然未有不本於六經之旨庶以寡昧寅奉燕詒懼弗克欽若眷命萬幾之暇稽式古典爰以已意取其關於天道之大而有以啓寅畏之衷者每經表而出之哀列成編目之曰敬天圖庶幾朝夕觀覽對越瞻臨以自警省云爾又御製天人

要語

楓宸燕閒左顧右盼凜然肅然如在璣衡

帝王經世圖譜

唐仲友帝王經世圖譜凡天文地志禮樂刑政陰陽  
度數兵農王霸皆本之經典兼采傳注類聚羣分旁  
通午貫使事時相參形聲相配或推消長之象或列  
休咎之證而於郊廟學校畿疆井野尤致詳焉各爲  
總說附其後始終條理如指諸掌門人金式繕寫積  
百二十二篇又猶子燁校讐釐爲十卷以類相從周  
必大題辭云六經旨趣百世軌範皆聚于此

宋朝宰輔圖

蔡幼學皇朝宰輔拜罷圖一卷建隆元年至紹熙五年宰執拜罷月日爲圖年經而官緯之

河出圖天地有自然之象洛出書天地有自然之理  
圖經也書緯也一經一緯相錯而成文圖植物也書  
動物也一動一植相須而成變化見書不見圖聞其  
聲不見其形見圖不見書見其人不聞其語圖至約  
也書至博也卽圖而求易卽書而求難古之學者爲  
學有要置圖於左置書於右小象於圖索理於書

圖書相爲經緯尚矣經之以書載前代成敗之實而

讀者興焉緯之以書繪前代成敗之形而觀者鑒焉  
耳其言者入乎耳而著乎心目其繪者入乎目而著  
乎心惟圖與書所以開導人君之聰明而交相養也  
漢畫西閣堯桀並彰唐設連屏以鏡興亡 金鋪

玉戶丹書相宣邦國若否瞻之在前 翱翔周覽一

息千載 攀輪折檻還笏挽裾察察生氣凌鏢坐隅

瓊室傾宮怠教侈麗圖其覆轍危竿歆器 拱揖令

王爲吾友朋想像昔賢爲吾股肱 緣宇赤文如河

之出 命工作績五采彰施圖象古昔以當箴規

明皇內殿無逸是張文宗太液尚書是錄 正觀金

鏡祇以爲書元和事跡  
十餘漢賜列仙唐述  
無逸可以配無逸之屏  
千秋之鑑

上海卷第五十六

玉海卷第五十七

浚儀王應麟伯厚甫

藝文

圖繪名臣

自古皇王褒崇勲德既勒名於鍾鼎又圖形於丹青

周明堂周公圖

家語觀周第十一孔子觀乎明堂覩四門墉有周公相成王抱之負斧扆南面以朝諸侯之圖孔子曰此周之所以盛也

有周盛時褒賞功德或藏在盟府或紀于太常或銘於昆吾之鼎獨周公有大勲勞於天下迺繪象于明堂之墉期億萬年無忘師保之德使覩之者肅然動心願竭忠盡瘁追配前人褒崇勸獎之道於是爲至

漢未央宮畫

文苑英華廬碩畫諫曰漢文帝三年

兩漢故事

於未央宮

承明殿畫屈軼草進善旌誹謗木收諫鼓獬豸

漢麒麟閣名臣圖

蘇武傳甘露三年單于始入朝上思股肱之美迺圖畫其人於麒麟閣法其形貌著其官爵姓名唯霍光

不名曰大司馬博陸侯姓霍氏次曰衛將軍富平侯  
張安世次曰車騎將軍龍頤侯韓增次曰後將軍營  
平侯趙充國次曰丞相高平侯魏相次曰丞相博陽  
侯丙吉次曰御史大夫建平侯杜延年次曰宗正陽  
城侯劉德次曰少府梁丘賀次曰太子太傅蕭望之  
次曰典屬國蘇武皆有功德知名當世是以表而揚  
之明著中興輔佐列於方叔名虎仲山甫焉凡十一  
人皆有傳自丞相黃霸廷尉于定國大司農朱邑京  
兆尹張敞右扶風尹翁歸及儒者夏侯勝等皆以善  
終著名宣帝之世然不得列於名臣之圖以此知其



遼矣法張晏曰武帝獲麒麟時作此閣圖畫其象於

閣遂以爲名師古曰漢宮閣疏名云蕭何造 敘傳

博陸堂堂受遺武皇權定社稷配忠阿衡霍光安世

溫良塞淵其德子孫遵業全祚保國張安世宣和自

守溫顏遜辭韓曾營平皤皤立功立論以不濟可

上諭其信趙充國高平師師惟辟作威圖黜凶害天

子是瞻魏相博陽不伐舍弘光大天誘其衷慶流苗

裔內吉延年寬和列于名臣杜延年其在于京奕世

宗正劬勞王室用侯陽成劉德小心周密上信重之

深丘負長倩與與覲霍不舉蕭望之蘇武信節不詘

王命

蘇武

漢未央宮趙充國圖

趙充國傳充國以功德與霍光等列畫未央宮成帝時西羌嘗有警上思將帥之臣追美充國廼召黃門郎揚雄卽充國圖畫而頌之

漢南宮雲臺功臣圖

當參攷褒功類人物類

後漢論中興二十八將前世以爲上應列宿未之詳也然威能感會風雲奮其智勇稱爲佐命亦各志能之士也永平中顯宗追感前世功臣乃圖畫二十八將於南宮雲臺其外有王常寶融卓茂合三十二人

故依其本第係之篇末以志功臣之次云大傅高密

侯鄧禹

授西討文畧

中山太守全椒侯馬成

平江淮築亭障

大司

馬廣平侯吳漢

勇鷲有謀建大策

河南尹阜成侯王梁

應符而被

袞

左將軍膠東侯賈復

方直多計

琅琊太守祝阿侯陳俊

定太

建威大將軍好時候耿弇

走延岑次祝阿

驃騎大將軍

參遠侯杜茂

破盧芳平東方

執金吾雍奴侯寇恂

居河內

積弩

將軍昆陽侯傅俊

定江東

征南大將軍舞陽侯岑彭

征之效

左曹合肥侯堅鐔

攻洛陽降朱鮪

征西大將軍夏陽侯

馮異

守洛陽定閩中

上谷太守淮陽侯王霸

權以濟事

建義大將

軍甬侯朱祐

降秦豐

信都太守阿陵侯任光

迎車征

虜將軍潁陽侯祭遵平河北用儒雅豫章太守中水侯李忠

疏財而受賜驃騎大將軍櫟陽侯景丹校殘五右將軍

槐里侯萬修從平虎牙大將軍安平侯蓋延柳城破敵大

常靈壽侯邳彤一言典邳衛尉安成侯鉞期勝青驃

騎大將軍昌成侯劉植談說而受封東郡太守東光侯耿

純克亦橫野大將軍山桑侯王常心如金石城門校尉朗

陵侯臧宮減公孫大司空固始侯李通志身奉主捕

虜將軍揚虛侯馬武力戰無前大司空安豐侯竇融奉國歸忠

驃騎將軍慎侯劉隆討李憲大傅宣德侯卓茂執節贊

曰帝績思又庸功是存有來羣后捷我戎軒婉變龍

康熙二十六年刊

姿儷景同翻

武光

一馬援傳顯宗圖畫建武中名臣

列將於雲臺以椒房故獨不及援東平王蒼觀圖言於帝曰何故不畫伏波將軍像帝笑而不言一通監

永平三年二月功臣之次鄧吳賈景恂彭異祐遵丹

延期純宮武隆成梁俊茂俊鐔霸光忠修彤植常通

融茂

通監所  
敘誤

陶淵明集聖賢羣輔錄云鄧禹吳漢

賈復耿弇寇恂馮異岑彭祭遵邳彤耿純王霸臧宮

景丹杜茂朱祐劉隆馬成王梁鈹期蓋延馬武劉植

任光李忠萬修陳俊傅俊堅鐔右河北二十八將光

武所與定天下

禹漢弇恂異復彭遵光武之起資

爲腹心祐丹延期純隆宮武光武之起資爲禦侮成  
梁二俊茂霸鐔光忠修彤植瓜牙爲良茂常通融四  
七之餘續以繪之功臣之圖

漢西閣畫

楊惲傳惲上觀西閣上畫人指桀紂畫謂樂昌侯王  
武曰天子過此一二問其過可以得師矣畫人有堯  
舜禹湯不稱而舉桀紂

漢列士圖

論衡宣帝之時畫圖漢列士或不在於畫上者子孫  
恥之

漢明帝殿閣畫

見後

漢圖書胡廣黃瓊頌

鴻都文學圖贊

東觀畫象

胡廣傳熹平六年靈帝思感舊德乃圖書廣及太尉  
黃瓊省內詔議郎蔡邕爲頌注謝承書頌云巖巖山  
岳配天作輔降神有周生申及甫允茲漢室誕育二  
后曰胡曰黃方軌齊武惟道之淵惟德之藪股肱元  
首代作心膂天生蒸人有則有類我胡我黃鍾厥純  
懿巍巍特進仍踐其位赫赫三事七佩其紋奕奕四

壯沃若六轡袞職龍章其文有蔚參曜乾台窮寵極  
貴功加八荒羣生以遂超哉邈乎莫與爲二陽球  
傳靈帝敕中尚方爲鴻都文學三十二人圖象立贊  
以勸學者臣聞圖象之設以昭勸戒欲令人君動覽  
得失高彪傳詔東觀畫彪象以勸學者姜肱傳

桓帝下彭城使畫工圖肱形狀蔡邕傳靈帝光和

元年置鴻都門學畫孔子及七十二弟子陳紀傳

以至德稱豫州刺史嘉其至行表上尚書圖象百城

以厲風俗兗州表朱穆之象  
大丘有陳是之畫

蔡質漢官典職曰尚書奏事於明光殿省中皆以胡



粉塗壁紫青界之畫古烈士重行書讚

漢禮殿圖 文翁學堂圖

益州記成都學有周公禮殿舊記云漢獻帝時立高

朕文翁石室在焉

朕再作石室在文翁石室之東又東卽周公禮殿

修周公禮殿記初平五年九月始自文翁開建泮宮至于甲午文君參增造吏事益州刺史

張收畫盤古三皇五帝三代君臣與仲尼七十弟子

於壁間

史記索隱仲尼弟子傳引文翁圖所記

唐志雜傳記類益州

文翁學堂圖一卷 隋志蜀文翁學堂像題記二卷

益部耆舊傳益州刺史董榮圖畫譙周像於州學

命從事李通頌之 李業傳益部紀載其高節圖畫

形象 宋祁文翁祠碑云公爲禮殿以舍孔子及七

十二子之象殿右廡作石室舍公像其中後人及作  
高联象進偶公室嘉祐二年祁知益州肖公像於宇  
間繪相如等于東西壁本古學之復莫若联今學之  
盛莫若蔣堂繪二公配祠焉 十贊太守文翁司馬

相如王褒嚴遵張寬李仲元何武楊雄太守高联知  
益州蔣堂

魯靈光殿賦曰圖畫天地品類羣生 云云 上紀開闢

遂古之初鴻荒朴畧厥狀睢盱煥炳可觀黃帝唐虞  
下及三后 云云 惡以誠世善以示後 先賢行狀曰

陳紀與是高名並著而弟謚又配之每宰府辟召羔  
鴈成羣世號三君百城皆圖畫 狀人紀 見著書

漢賢王圖

唐志漢王元昌畫賢王圖韋無泰畫高祖及諸王圖  
曹元廣畫高祖太宗諸子圖

魏溫室畫象贊

魏都賦

見贊類

魏陳思王畫讚序曰畫者鳥書之流也

呂氏春秋  
史皇作圖

唐文學館十八學士圖

贊

褚亮傳亮與杜如晦等十八人爲文學館學士武德

四年上以秦王功大前代官不足以稱之特置天策  
上將軍位在王公上冬十月以秦王爲天策上將軍  
領司徒陝東道大行臺尚書令增邑二萬戶仍開天  
策府置官屬秦王以海內浸平乃向儒學開館於官

城西

作文  
學館

收聘賢才於是下教以王府屬杜如晦記

室房玄齡虞世南文學褚亮姚思廉主簿李玄道參

軍蔡允恭薛元敬顏相時諮議典籤蘇勉天策府從

事中郎于志寧軍諮祭酒蘇世長記室薛收倉曹李

守素國子助教陸德明孔穎達太學助教蓋文達宋

州總管府戶曹許敬宗並以本官兼文學館學士

收

卒名劉孝孫入館

分爲三番通宿閣下供給珍膳恩

禮優厚每遇朝謁公事之暇輒至館中引諸學士討論文籍確畧前代無常禮之間或夜分乃寢又使庫直閣立本圖像文學褚亮爲之贊題名爵里號十八學士藏之書府以彰禮賢之重方是時天下向慕學士大夫得預其選者謂之登瀛洲

寶錄云勒成一卷號曰十八學士寫

直圖 會要云

藝文志閣立本畫秦府十八學士

具題其爵里圖又曹元廣畫秦王府學士圖

舊史列傳房玄齡

貞觀十八年與司徒長孫無忌等圖形於凌烟閣讚

曰才兼藻翰思入機神當官勵節奉上忘身

一作危身

杜如晦兼文學館學士畫像於丹青者十有八人而  
如晦爲冠首今文學褚亮爲贊曰建平文雅休有烈  
光懷忠履義一作抱義身立名揚 虞世南圖形凌烟閣

姚思廉爲文學館學士寫其形像列於十八學士  
圖令文學褚亮爲讚曰志古精勤紀言實錄臨名殉  
義餘風勵俗 孔穎達貞觀十八年圖形凌烟閣讚  
曰道光列第風傳闕里精義霞開拔辭颺起 蘇世  
長爲學士圖畫亮爲讚曰軍諮諧噓超然辯悟正色  
于庭匪躬之故

十八學士贊

各四句舊史贊十八文星連輝炳耀

房玄齡杜如晦姚思廉孔穎達蘇世長

見舊史本傳

三百九十七

虞世南篤行揚聲雕文絕世網羅百氏並包六藝

李守素賢哉博識穆爾清風遊情文苑高步談叢

劉孝孫劉君直道存交守信雅度難追清文遠振

褚亮道高業峻神清氣遠學總書林文兼翰苑

蓋文達言超理窟辯折談風蒲輪遠聘稷下連蹤

于志寧古稱益友允光斯職蘊此文辭懷茲諒直

許敬宗槐市騰聲蘭宮游道抑揚辭令縱橫才藻

顏相時六文科籀三冬經史家擅學林入遊書市

陸德明儒術爲貴玄風可師儔學非遠離經在茲

李玄道李侯鑒遠雅量淹通清言折埋妙藻推工  
薛元敬薛生履操昭哉德音辭奔健筆思逸清襟  
蔡允恭猗與達學蔚有斯文冰霜比映蘭桂同芬  
蘇勉業敏遊藝躬勤帶經書傳竹帛畫美丹青

薛收傳後遍圖學士大夫歎曰恨不早圖其像後圖  
學士像歎其早死不得與 王覲有記褚亮有贊蔣

又有傳 王覲十八學士圖記曰十八學士皆煬帝

之臣曷闇於隋而明於唐是有其材而無其時矣如  
晦玄齡於一尉或非好去任或挂網徙邊褚亮虞南  
不離下位或嫉才見謫或七品十年暨顯我國家則



有兼文武器重圭璋者慷慨大節臨機能斷者仁孝  
忠直預識存亡者潔行檢身而有英略者好學敏達  
詳明吏道者出入軍旅涉歷危難者不憚兵威植立  
忠誼者博聞正儉文翰兼絕者風韻閑雅善於吟詠  
者精練詁訓長於講論者立身行道之事盡在斯矣  
輒采本傳列嘉績庶幾闕像者思其人披文者思其  
人 後周杜良作唐文皇畫像記曰太宗已定天下  
而高祖已登九五矣太宗於閭閻疾癘千戈勤勞且  
盡知之於仁義之治興太平極治之功容或有未究  
焉耳既作文學館延四方英俊講貫紬繹薰陶耳目

者莫非帝王之事彼十八登瀛人必曰爲如是事而治爲如是事而亂以太宗之明刻記于心肯圖衰亂平一意於求治而已仁鑪義輔道薪德火日往月來就聖神之模其爲宗廟社稷生靈者炳焉與三代無以異矣故太宗之功烈自漢高以降莫之與敵十八人之力也

**名賢畫錄**

閣立本圖秦府十八學士凌

州閣二十四功臣輝映今古惟職貢鹵簿等圖與立德圖製之

南齊竟陵王子良集學於西邸並見圖畫

唐貞觀圖功臣凌烟閣

高宗附

太宗紀貞觀十七年二月戊申圖功臣于凌烟閣

舊紀

云無忌等勲臣二十四人凌烟閣在凝陰殿西北面寫功高宰相南面寫功高侯王太宗贊闕立本畫

褚遂良題比天二十四氣

秦瓊傳十七年詔司徒趙國公無忌

河間王孝恭司空萊國公如晦司空太子太師鄭國

公徵

傳徵亡帝思不已登凌烟閣觀畫像作詩悼

司空梁國公玄齡開府

儀同三司鄂國公敬德特進衛國公靖

會要無李靖

特進

宋國公瑀輔國太將軍慶國公志玄輔國大將軍夔

國公弘基尚書左僕射蔣國公通陝東道行臺右僕

射鄖國公開山荊州都督譙國公紹荊州都督邳國

公順德

傳帝闕功臣圖見其像憐之復爵邑

洛州都督鄖國公亮吏

部尚書陳國公君集左驍衛大將軍鄴國公公謹左  
領軍大將軍盧國公知節禮部尚書永興郡公世南  
戶部尚書渝國公政會戶部尚書莒國公儉兵部尚  
書英國公勣太宗時李勣已畫像高宗永徽四年復畫其形自序之本傳無此事并叔  
寶並圖形凌烟閣高宗永徽六年遣使致祭名臣圖  
形凌烟閣者凡七人徵士廉瑒志弘基世南叔寶  
皆終始著名者也 會要貞觀十七年二月二十八

日詔曰甘露良佐麟閣著其美建武功臣雲臺紀其  
跡司徒長孫無忌河間王孝恭司空萊國公杜如晦  
太子太師鄭國公魏徵梁國公房玄齡鄂國公尉遲

敬德宋國公蕭瑀褒國公段志玄夔國公劉弘基蔣國公屈突通右僕射鄖國公殷開山譙國公許紹邳國公長孫順德鄖國公張亮吏部尚書陳國公侯君集邾國公張公謹盧國公程知節永興郡公虞世南渝國公劉政會莒國公唐儉英國公李勣胡國公秦叔寶等二十四人可並圖形凌烟閣譙公會要作許紹邳

柴紹封霍國公徙譙國卒于荊州都督謚曰襄

案秦瓊傳止敘二十三人

而遺高士廉唐呂溫作贊

一作頌見文粹

有高申公士廉按

序云象二十四氣之佐天卽二十四人明矣然只贊二十一人不贊張亮侯君集以其負國跋扈自陷大

逆故沒其名用彰天刑異姓爲後又以河間王孝恭爲首會要敘二十三人遺衛公靖與高申公士廉却

言叔寶等二十四人

**藝文志**

太宗凌烟功臣贊一

卷令狐德棻凌烟閣功臣故事四卷雜史類蔣又凌

烟功臣秦府十八學士史臣等傳四十卷藝術類凌

烟閣功臣二十四人圖閣立本畫

秦府十八學士及凌烟功臣圖並開

立本之跡也

又有

**舊史**

永徽五年高宗圖長孫

無忌形象親爲畫贊以賜之

通志有唐朝功臣配享圖

李嗣真武后奇其風度

名閣元靜圖之楊志誠爲贊殷仲容書

唐廣德凌烟閣功臣

代宗紀廣德元年七月壬子給功臣鐵券藏名于太

廟圖形凌烟閣

實錄御宣政殿下詔雍王至曹楚王  
三十三人 相良器圖形凌烟閣

侯希逸寶應初

德宗紀爲天下兵馬元帥封雍王

寶應元年十月諸將敗史朝義遂克東都十一月朝

義死河北平以功兼尚書令與功臣郭子儀李光弼

等賜鐵券圖形凌烟閣李光弼傳浙東賊袁晁反

台州建元寶勝以建丑爲正月殘剽州縣光弼遣麾

下破其衆於衢州廣德元年擒晁浙東平詔增實封

戶二千與一子三品階賜鐵券名藏太廟圖形凌烟

閣 郭子儀傳回紇吐蕃入寇代宗跳幸陝程元振懼罪說帝都洛陽帝可其計子儀表諫帝得奏泣謂左右曰子儀社稷臣朕西決矣乘輿還子儀頓首謂罪帝勞曰用卿晚至此乃賜鐵券圖形凌烟閣

鮑防傳代宗時兼太原尹人樂其治詔圖形別殿

唐貞元凌烟閣圖象

聖曆侍臣圖贊

舊紀貞元五年九月壬戌詔以褚遂良已下至李晟等二十七人圖形於凌烟閣以繼國初功臣之像

李晟傳貞元三年進拜太尉中書令明年詔爲晟立五廟他日與馬燧見延英帝嘉其勲下詔曰昔我烈



祖乘乾坤盪滌掃隋季荒蕪體元御極作人父母則  
有熊羆之士不二心之臣左右經綸參贊締創昭文  
德開武功威不庭康不乂用端命于上帝付畀四方  
重業既成太階既平乃圖厥容列于凌烟閣懋昭績  
效表式儀刑以弗忘朝夕永垂乎來裔君臣之義厚  
莫重焉歲在己巳秋九月會要作貞元己巳歲孟秋七月我行西宮  
瞻望崇構見老臣遺像颯然肅然和敬在色想雲龍  
之協勳感政業之艱難覩佳思今取類非遠且功與  
時並才與世生苟蘊其才遇其時尊主庇人何代蔑  
有在中宗時有如桓彥範等著輔戴之績在玄宗時

有如劉幽求等申昭翼之勲在肅宗時有外郭子儀  
掃除氛祲今顧晟等保寧朕躬咸宜力肆勤光復宗  
祐訂之前烈夫豈多謝闕而未錄孰旌厥賢况念功  
紀德文祖所爲也在予其曷敢息有司宜叙先後各  
圖其像于舊臣之次命皇太子書其文以賜晟晟刻  
石于門

會要貞元五年九月李晟馬燧見延英上

嘉其勲下詔曰

云云

於是史官考其功績第其前後

以褚遂良蘇定方郝處俊等三十七人充之

馬燧

傳與李晟皆圖像凌烟閣

張萬福傳淮草木亦

知威名德宗召為右金吾大將軍詔圖形凌煙閣

李惟簡傳號元從功臣圖形凌煙閣賜鐵券

蔣乂

傳德宗嘗登閣視右壁額剝題文漫闕行纒數字命錄以問宰相無能知者遽召乂至荅曰此聖曆中侍臣圖贊帝前口誦以補不失一字

唐太中圖元和將相凌煙閣續圖凌煙

功臣

宣宗紀大中二年七月己巳續圖功臣于凌煙閣

李絳傳大中初詔史官差第元和將相圖形凌煙閣

絳在馬獨留中忠義傳大中初又詔求李峴王珪

戴胄馬周褚遂良韓瑗郝處俊婁師德王及善朱敬

則魏知古陸象先張九齡裴寂劉文靜張柬之袁恕  
已崔玄暉桓彥範劉幽求郭元振房琯袁履謙

業張巡許遠盧奕南霽雲蕭華張縞李勉張鎰蕭復  
柳渾賈耽馬燧李愷三十七人畫像續圖凌烟閣云  
會要只有三十六人名而曰三十七  
人有岑本而無褚遂良袁恕已

會要天中二

年七月十一日史館奏選堪上凌烟閣功臣除所有  
舊真形并有子孫在中外任官令寫進外三十七人  
敕旨令御史臺牒諸縣尋訪子孫圖寫真形以進  
崔損凌烟閣圖功臣賦見文苑英華

文宗畫王起象於便殿當世仲尼

唐開元十八學士圖

含象亭圖贊

藝文志商鞅韋無忝畫開元十八學士圖 開元人

張說傳天子尊尚經術開館置學士修太宗之政皆  
說倡之常典集賢圖書之任間雖致仕一歲亦修史  
於家始帝欲拜說大學士辭曰學士本無大稱中宗  
榮寵大臣乃有之臣不敢以爲稱固辭乃免後宴集  
賢院故事官重者先爵說曰吾聞儒以道相高不以  
官閥爲先後太宗時修史十九人長孫無忌元舅每  
宴不肯先舉爵長安中與修珠英當時學士亦不可  
品秩爲限於是引觴同餘時服其有體

馬植傳奏言  
開元中麗正

殿賜酒大學士張說以十八人不知先舉者說以學士德行相先遂同舉酒中書舍人陸

堅以學士或非其人而供擬太厚無益國家者議白  
罷之說聞曰古帝王功成則有奢滿之失或與池觀  
尚聲色今陛下崇儒向道躬自講論詳延豪雋則麗  
正乃天子禮樂之司所費細而所益大矣

會要開

元十三年改集仙殿爲集賢殿麗正書院爲集賢院  
詔院內五品以上爲學士六品以上爲直學士中書  
令張說充學士知院事散騎常侍徐堅爲副禮部侍  
郎賀知章中書舍人院陸堅並爲學士國子博士康  
子元爲侍講學士考功員外郎趙崇職監察御史咸

虞業左補闕韋述李子釗陸去泰呂向拾遺母照大  
學助教余欽四門博士趙玄默校書郎孫季良並直  
學士太學博士侯行果四門博士敬會真右補闕馮  
朝隱並侍講學士初以張說爲大學士辭之 **列傳**

賀知章開元十三年兼集賢院學士玄宗自爲贊賜  
之 康子元玄宗嘗製贊賜說子元命工圖其象詔冬職  
述照分爲傳 陸堅玄宗待之甚厚圖形禁中親製  
贊 趙崇職開元集賢學士又有尹愔鄭欽說盧僎  
名稍著 集賢注記嚴季友殷絳韋無忝等分貌張  
說等燕公以手雜不精奏同州僧法明獨貌諸學士

等法明於寫貌無工切於形似圖成奏之上稱善令

藏其本於書院

詳見集賢書院  
子元得一本取以進今唯有寫本存

焉

翰林盛事開元年拜張說等十八人爲學士於

東都上陽宮含象亭圖象寫御蒼述之

唐孔子廟圖七十子 開元二十二賢圖

贈孔子弟子爵

禮樂志武德六年

六月戊戌

詔國子學立孔子廟貞觀二

十一年

二月十五日壬申

詔左丘明卜子夏公羊高穀梁赤

伏勝高堂生戴聖毛萇孔安國劉向鄭衆賈逵杜子

春馬融盧植鄭玄服虔何休王肅王弼杜預范甯二



十二人皆配享開元八年三月十日司業李元瓘奏先

聖廟爲十哲象以先師顏子配則配象當坐今乃立

侍餘弟子列象廟堂不像享而范甯等皆從祀請釋

奠十哲享於上而圖七十子於壁曾參以孝受經於

夫子請享之如二十二賢乃詔十哲爲坐像悉豫祀

曾參大孝德冠同列特爲之像坐亞之圖七十子及

二十二賢於廟壁二十七年八月十日詔謚文宣王以

其嗣爲文宣公先時以周公南面而夫子坐西墉下

貞觀中廢周公祭而夫子位未改至是始改南向以

顏淵配贈諸弟子爵公侯子淵充公子騫費侯伯牛

鄆侯仲弓薛侯子有徐侯子路衛侯子我齊侯子貢

黎侯子游吳侯子夏魏侯又贈曾參以降六十七人

會要開元二十七年八月二十四日詔贈參成伯顓孫師陳伯澹臺滅明

江伯宓子賤單伯原憲原伯公冶長莒伯南呂适郊伯

公皙哀邾伯曾點宿伯顏路杞伯商瞿蒙伯高柴共

伯漆彫開滕伯公伯寮任伯司馬牛向伯樊遲樊伯

有若卞伯公西赤郤伯巫馬期鄆伯梁鱣梁伯顏柳

蕭伯冉孺郟伯曹卹豐伯伯虔鄒伯公孫龍黃伯冉

季產東平伯秦子南少梁伯漆彫斂武城伯顏子驕

琅邪伯漆彫徒父須句伯壤駟赤北微伯商澤睢陽

伯石作蜀郕邑伯任不齊任城伯公夏首亢父伯公  
良孺東牟伯后處營丘伯秦開彭衙伯奚容蒧下邳  
伯公肩定新田伯顏襄臨沂伯鄒單銅鞮伯句井疆  
淇陽伯罕父黑乘丘伯秦商上洛伯申黨名陵伯公  
祖子之期思伯榮子期雩婁伯縣成鉅野伯左人郢  
臨淄伯燕汲漁陽伯鄭子徒榮陽伯秦非汧陽伯施  
常乘氏伯顏噲朱虛伯步叔乘淳于伯顏之僕東武  
伯原亢籍萊蕪伯樂欬昌平伯廉絜莒父伯顏何開  
陽伯叔仲會瑕丘伯狄黑臨濟伯邾巽平陸伯孔忠  
汶陽伯公西輿重丘伯公西歲祝阿伯於是二京之

祭牲太牢樂宮縣舞六佾矣

云云

會要開元八年

三月十八日元瓘奏

云云

七十子者文翁之壁尚不

缺如豈有國庠遂無圖繪請命有司圖形於壁兼爲

之費上以顏子亞聖親爲製贊書於石仍令朝士分

爲之贊題于壁

漢藝文志論語家有孔子徒人圖法二卷

蘇冕曰檢貞觀

顯慶年敕並稱二十一賢又檢大極開元年敕卽稱

二十二賢將前敕與學令比類於服虔之下有賈逵

未知何年月附入

舊紀武德二年六月戊寅令國

子學立周公孔子廟四時致祭仍博求其後乾封元

年正月甲午次曲阜縣幸孔子廟開元二十七年八

月申申贈孔子文宣王顏回充國公餘十哲皆侯夾

坐詳見學校釋奠類

韋弘機傳顯慶中為檀州刺

史修學官畫孔子七十二子漢晉名儒象自為贊勸

生徒

唐武成廟名將圖

禮樂志開元十九年

四月兩申

始置太公尚父廟以留侯

張良配中春中秋上戊祭之牲樂之制如文宣仍以

古名將十人為十哲配享上元元年

會要開四月十九日

尊大

公為武成王以歷代良將為十哲自起韓信諸葛亮

李靖李勣列於左張良田穰苴孫武吳起樂毅列於

右以良爲配後罷爲中祀遂不祭建中三年

間正月二十五

禮儀使顏真卿奏武成廟請如月令春秋釋奠

元七

十一 詔考定可配享者列古今名將凡六十四人圖

形焉范蠡孫臏廉頗王翦曹參周勃李廣霍去病鄧

禹賈復寇恂馬援皇甫嵩張遼關羽周瑜陸遜羊祐

王濬謝玄慕容恪檀道濟王僧辯慕容紹宗宇文憲

韓擒虎史萬歲尉遲敬德蘇定方張仁愿王峻王孝

傑以上三十二人列於左管仲田單趙奢李牧彭越周亞夫衛

青趙充國吳漢馮異耿弇段熲鄧艾張飛呂蒙陸抗

杜預陶侃王猛長孫嵩王鎮惡吳明徹斛律光于謹

華孝寬楊素賀若弼河間王孝恭裴行儉郭元振張

齊丘郭子儀

以上列於右

貞元二年刑部尚書關播奏太

公古稱大賢今乃置亞聖又有未安而仲尼十哲皆  
當時弟子今以異時名將列之弟子非類也請但用  
古今名將配享去亞聖十哲之名自是唯享武成王  
及留侯而諸將不復祭矣

藝文志盧鋌武成王廟

十哲讚一卷

百官志武成王廟令一人

六十四名將七國范蠡等八人兩漢曹參等十七人  
三國張遼等八人晉羊祜等五人南北朝檀道濟等  
十二人隋韓擒虎等四人唐尉遲敬德等十人

唐崇賢學士圖贊

顏魯公集顏勤禮與兄師古相時同時爲崇賢弘文館學士太宗嘗圖畫崇賢諸文學士命師古爲讚以兄弟不宜相褒述乃命中書舍人蕭鈞讚勤禮曰德彰素里行成蘭室鶴鑰馳譽龍樓委質當代榮之當考會要顯慶元年三月十六日太子弘請於崇賢館置學士

尼父有徒人之法晉帝著樂賢之象

唐龍朔功臣圖

藝文志雜藝術類有韓幹畫龍朔功臣圖

今秘閣畫有闕立本



貞觀名  
臣圖二

唐麟德殿漢名臣圖

會要貞元十二年二月巳卯以寒食節御麟德殿內  
宴於宰相位後施畫屏風圖漢名臣仍紀其嘉言美  
行題之于下

班婕妤曰觀古圖畫賢聖之君皆有名臣在側

唐古今朝臣圖

舊史章述傳聚書二萬卷皆自校定兼古今朝臣圖  
歷代知名人畫魏晉以來草隸真跡數百卷 志曹  
元廣畫後周北齊梁陳隋武德貞觀永徽等朝臣圖

武后左  
尚方令

唐六賢圖讚

志雜傳記李渤六賢圖讚一卷

崇文目同

見後

唐九老圖

白居易傳稱香山居士嘗與胡杲吉叟鄭據劉真盧  
真張渾狄兼暮盧貞燕集皆高年不事人慕之繪爲  
九老圖

唐歷代名畫記

書目十卷唐張彥遠撰首論畫源流興廢至敘畫人  
姓名自史皇至唐王默凡三百三十餘人

唐帝王事迹圖

宋朝宗室傳守節上所集唐帝王事迹爲列聖圖別類君臣議論爲小錄

端拱注撰武成王廟贊

和峴傳端拱初以所著奉常集五卷秘閣二十卷注撰武成王廟贊五卷奏御上嘉之授判太常寺兼禮院事

明道重修七十二賢圖 贊傳

明道元年八月戊午詔國子監重修七十二賢堂其左丘明而下二十一人並以本品衣冠圖之

先是真

宗於至道三年七月癸酉詔文宣王十哲七十二賢

像咸加繪飾

元豐七年五月壬戌詔釋奠於經國

公孟軻配食文宣王設位于充國公之次荀況揚雄

韓愈以世次從祀於二十二賢之間並封伯況蕭  
雄成

愈昌又詔學士院撰贊

明道元年六月癸卯國子監說李敏上所著孔子七

十二弟子贊傳六十卷國史志李畧六十卷

治平孝嚴殿圖文武大臣

治平元年三月作仁宗神御殿于景靈宮西園八月

成名曰孝嚴別殿曰寧真戶部副使張燾請圖乾興

以來文武大臣於殿壁繪像自此始十二月御篆孝

嚴殿額二年四月丙午奉安仁宗御容

元豐景靈宮繪勲臣

元豐五年十一月乙酉修景靈宮成奉安聖容繪勲臣

紹興景靈宮圖配饗功臣

十三年正月乙酉建景靈宮十八年五月甲子一作乙丑

命有司圖配饗功臣像于景靈宮廷之壁立武殿大

祖韓忠獻王趙普咸平二年二月丙申初周武惠王

曹彬大定殿太宗司空同平章事謚文惠薛居正樞

密使謚元懿石熙載鄭武惠王潘美熙文殿真宗右

僕射平章事謚文靖李沆魏文正公王旦山南東道

節度使同平章事謚忠武李繼隆美成殿仁宗沂文

正公王曾許文靖公呂夷簡簽書樞密院謚武穆曹

瑗治隆殿英宗魏忠獻王韓琦魯宣靖公魯公亮大

明殿神宗韓文忠公富弼重光殿哲宗溫文正公司

馬光承元殿徽宗魏文定公韓忠彥凡十有六人先是

禮部下諸路訪十六人繪像十九年八月甲戌詔以景靈宮繪

像功臣之副藏于天章閣及秘閣復故事也先是九

年四月二十五日李德光上五帝功臣繪像圖

慶殿欽宗皇德殿高宗呂頤浩趙鼎韓世忠張俊系

端

隆殿

孝宗

陳康伯史浩羹明殿

光宗

葛邲垂光殿

寧

宗汝愚合二十四人

尚盤庚云茲予大享于先王爾祖其從與享之

古者天子

錄功臣配食於廟大享烝嘗也

周司勳有功者銘書王之太常祭於

大丞司勳詔之洛浩云記功宗以功作元祀漢祭功

臣廟庭魏正始六年始祭太祖廟佐命臣二十一人

晉咸寧初荀顛等十二人銘功太常配享清廟唐武

德至大中功臣列祀典三十八人漢舊儀宗廟祭

功臣四十人食堂下惟御僕滕公祭於廟門外塾用

一壺酒四脛骨

熙寧元年命取狄青畫像入觀禁中遣使賫中牢祠于其家御製祭文

紹熙八圖

黃裳爲嘉王府翊善作八圖以獻曰太極曰三才正性曰天文曰地理曰王伯學術曰九流學術曰帝王紹運終以百官文武各述其大旨因誕日作渾天儀輿地圖以獻皆以木爲之因爲歌詩勉進學如天之運行而不息及念祖宗郡國大半陷爲賊區乃王心所宜感憤者

寶慶昭勲崇德閣圖配饗功臣



皇帝誕膺駿命憲章鴻烈嗣位之元顧二三大臣曰  
惟前寧人昭則垂佑子曷敢不廸旣而太常禮官舉  
嘉定表章勲臣之意以聞於是奉俞咨閱故府凡以  
功宗作元祀自韓忠獻王普至鄜文定公鄜合文武  
二十有三人卽頌臺建傑閣肖象登繪寶慶二年八  
月賜名昭勲崇德之閣宸翰書扁紹定元年十一月  
癸巳詔翰林學士清之爲記

端平二年益以汝愚

自昔繼體守文之君欲大有爲於天下必賴輔弼共  
濟康功是以元首股肱相須一體志同道合乃克有

成載之詩書不可誣已。然自非藻繪形容昭揚勲德以著其感會之榮奉承之蹟何以爲君子之勸哉。吳越春秋越王使良工鑄金象范蠡之形置之坐側朝夕與之論政。

記志

古之史官必廣其所記非獨人君之舉後世因其事類相繼而作者甚衆名目轉廣又雜以虛誕怪妄之說推其本源蓋亦史官之末事也。

堯握河記

文選王元長曲水詩序注帝王世紀曰堯與羣臣沈  
璧於河乃爲握河記今尚書侯是也

禹受地記

三禮義宗明天地歲祭義禹受地記云崐崙東南五  
千里之地謂之神州

周記

韓非子周記曰無尊大臣以擬其主

孔子三朝記

漢志論語十二家孔子三朝七篇注師古曰今大戴  
禮有其一篇蓋孔子對魯哀公語也三朝見公故曰

三朝 史記黃帝紀漢高帝紀臣瓚引孔子三朝記  
漢武紀元光元年注亦引之索隱曰劉向別錄云孔  
子見魯哀公問政比三朝退而爲此記凡七篇並入  
大戴禮 蜀志秦宓曰昔孔子三見哀公言成七卷  
注劉向七畧曰孔子三見哀公作三朝記七篇今在  
大戴禮臣松之案中經部有孔子三朝八卷一卷目  
錄餘者所謂七篇 穀梁疏引三朝記 文選東都賦  
注引三朝記 爾雅疏張揖引禮  
三朝  
記

漢河間古辭雍記

見三雍類 志儒家河間獻王對上下三雍官三篇

漢逸禮王度記

三百七十八

輿服志注逸禮王度記曰天子駕六馬諸侯駕四大夫三士二庶人一白虎通王度記曰子男三卿一卿命於天子天子冢宰一人爵祿如天子之大夫反之以玦王者有象君之德天子鬯諸侯薰大夫芑蘭士薰禮記雜記注王度記百戶爲里里一尹周禮疏王度記云天子以鬯諸侯以薰曲禮疏接大戴禮王度記云大夫俟放於郊三年得環乃還得玦乃去禮記疏案別錄王度記云似齊宣王時淳于髡等所說也三禮義宗王度記云玉者象君子之

德

文王世子記曰有師保有疑丞世子之記曰朝夕至于大寢之門外注世子之禮亡此存其記 學記云記曰三王四代唯其師

禮三正記

曲禮正義纂白虎通稱禮三正記天子龜一尺二寸諸侯一尺大夫八寸士六寸 白虎通別名記曰司徒典民司空主地司馬順天禮別名記曰五人曰茂十人曰選百人曰俊千人曰英倚英曰賢英人曰傑萬傑曰聖禮三正記曰正朔三而改文質再而復質

法天文法地禮親屬記曰男子先生稱兄禮運記曰  
六情所以扶成五性也儀禮疏按三正記大夫著  
五尺故立筮士之著三尺當坐筮三禮義宗引三  
正記曰三王各以正月祭天南郊日月上辛夏官  
注引王霸記疏云記王乃霸事白虎通又引禮五  
帝記文選注引禮瑞命記古瑞命記

蔡氏辨名記

月令正義蔡氏辨名記曰十人曰選倚選曰俊萬人  
曰傑尹文子及毛詩傳書云萬人爲英春秋正義  
辨名記云倍人曰茂才人曰選倍選曰雋千人曰英

倍英曰賢萬人曰桀倍桀曰聖 唐志名家范謚辨  
名苑十卷雜家盧辯稱謂五卷徐陵名數一卷

漢鄭志 鄭記

見經解類

初學記引鄭記王賚問曰

云云

後魏

禮志引鄭志檢魯禮

南齊禮志引鄭志正月上辛

祀南郊又引趙商問

續漢羣國志注引鄭志曰有

小泰山

書正義引鄭志張逸問鄭荅云

禮記正

義引鄭志荅趙商問焦喬荅王權云

周禮疏引鄭

志趙商問又案雜問志

詩正義引鄭志荅趙商云

荅張逸云鄭志張逸問又引雜問志云

隋志鄭志



十一卷魏侍中鄭小同撰鄭記六卷鄭玄弟子撰

魯禮禘祫記

詩正義

鄭康成

魏人物志 唐廣人物志

劉劭傳黃初中爲尚書郎受詔集五經羣書以類相從作皇覽後與荀悅等定科令作新律十八篇著律畧論景初中受詔作都官考課七十二條說畧一篇又著樂論十四篇凡所撰述法論人物志之類百餘篇

文選注引

唐志名家

隋志同

劉劭人物志三卷

魏散

常月 崇

劉昉注人物志三卷

涼祭酒

中典書

目二卷述人性品有上下材質有邪正欲考諸行事而約之中庸十二篇九證體別流業才理才能利害接識英雄八觀七繆效難釋事廣人物志一卷唐進

士杜周士撰

志三卷崇文目一卷

採唐朝名臣賞拔人物自武德

止正元凡五十五科以廣劉劭志云陸羽有南北人

物志十卷

**唐志**

又有趙武孟河西人物志十卷宋

燧吳興人物志十卷

名家

江敞陳留人物志十五卷

陽休之幽州古今人物志三十卷

傳記類

李德裕

人物志論以爲索隱精微研幾玄妙然品人物不倫以管仲商鞅俱爲法家是不究成敗之術也以子產

西門豹俱爲器能是不辨精麤之迹也其甚者曰辨不入道而應對資給是謂口辯樂毅曹丘生是也一人之身兼有英雄高祖項羽是也

隋志名家梁有姚信士緯新書二卷魏盧毓九州人士論一卷

吳張儼默記

諸葛亮傳注吳大鴻臚張儼作默記其述佐篇論亮與司馬宣王書

唐志雜家三卷

晉博物志

張華傳著博物志十篇

唐志小說家十卷

隋志雜

家十卷

〔書目〕十卷采錄雜說異聞有周日用盧

注釋聞見于下

晁氏云載歷代四方奇物異事首卷有地理畧後有讚又

〔拾〕

遺記張華作博物志晉武賜以麟角筆管遼西所獻

青鐵硯于闐所貢鐵側理紙萬番南越所貢

〔北史〕

常景刪正張華博物志

〔隋志〕張公雜記一卷張華

撰

唐志雜家梁有五卷與博物志相似小不同又雜記十

一卷郭義恭廣志二卷

後漢郡國志律志注引博

物記

春秋正義引博物志廣志

魏志後漢書注

引博物志

班超傳注引郭義恭廣志

續咸傳著異物志遠遊志皆十卷

〔千寶傳〕寶撰集

古今神祇靈異人物變化名爲搜神記凡三十卷

唐志

小說家

以示劉惔惔曰卿可謂鬼之董狐寶博采異聞

遂混虛實因作序以陳其志

**隋志**

魏文帝列異傳

三卷宋東陽元疑齊諧記七卷吳均續齊諧記一卷  
取莊子志怪之義 **書目**搜神總記十卷崇文目云

不著撰人名氏或題干寶撰非也

**唐**顧況有戴氏

廣異記序

戴孚二十卷

晉發蒙記

見小學

啓蒙記

東晉傳所著三魏人士傳七代通記晉書紀志

亡失

其五經通論發蒙記補亡詩文集數十篇行於世

隋志一卷著作郎束皙

顯愷之傳著作郎蒙記

六卷

顯愷之  
蒙記

晉西京雜記

隋志舊事類葛洪二卷

隋志地理類

書目六卷

晉葛洪撰初洪有劉子駿漢書無首尾題目但以甲

乙丙丁紀卷數洪父傳之歆欲撰漢書編錄未就後

好事者始甲終癸次第為十秩秩十卷合百卷洪以

校班史殆是全取劉書而固所不取者不過二萬言

洪抄為二卷以裨漢書之缺案洪後序復有漢武帝

禁中起居注一卷漢武故事二卷并五卷為一秩今

雜記共六卷不同疑後人誤析爾  
注今不存 故事見前 起居  
顏師古曰其書淺俗出思卷多妄說或  
以為吳均依記為之

晉拾遺記

晉藝術傳見錄類

書目別史類晉正嘉興著拾遺

記十卷事多詭怪今行於世梁蕭綺序云本十九卷  
書後殘缺綺因刪集為十卷

晉又童志

見總集文章類

晉華陽國志

見地理

隋志

霸朝史

崇文目同

華陽國志十二卷

唐志

常璩撰

記漢

人物

後漢書注華陽黑水惟梁州孔安國注曰北

拒華山之陽故常璩叙蜀事謂之華陽國志

蜀志注

國志

前地理志

并何郡注

南史崔慰祖著海岱志起太公迄西晉人物為四十

卷

隋志二十一卷

隋志地理有揚雄蜀王本記一卷

譙周三巴記一卷常寬蜀志一卷

唐志雜史有五

隱刪補蜀記七卷

後漢注引孫盛蜀譜南中八

郡志李膺益州記

蜀志注引王隱蜀記蜀本紀益

部者舊雜記益州者舊傳



古今集記

文選王儉集序撰古今集記今書七志為一家言

梁述異記

書目任昉二卷梁天監二年撰崇文目昉家書三萬  
卷多異聞又采於祕書撰此記唐志小說家相出  
之述異記十卷

梁皇德記

梁書周興嗣撰皇德記

梁長春殿義記

梁書簡文

在東宮撰一百卷

徐陵為序  
史云長唐第

唐志

一百卷經解類

梁孔志

隋志梁有孔志十卷梁太尉參軍劉被撰

唐一百二十五家雜傳記

周諸侯史記

志史錄雜傳記一百二十五家一百四十六部一千六百五十六卷失姓名十四家始於趙岐三輔決錄次魏文帝海內士品錄魏明帝時海內先賢傳終於李襲譽忠孝圖傳讚許敬宗文館詞林文人傳自崔元暉友義傳至武誼自古忠臣傳不著錄五十一家二千五百七十四卷附以女訓自劉向列女傳至鳳

樓新誠十七家二十四部三百八十三卷總一百四十七家一百五十一部 隋志二百十七部一千二百八十六卷周官外史掌四方之志則諸侯史記兼而有之號仲叔勳藏於盟府司寇盟書登天府則王者誅實具錄其事善惡之迹畢集史職而又間胥旅師黨正書敬敏孝悌德行入於鄉大夫大比獻其書登天府是以側陋之士言行必達皆有史傳漢阮倉作列仙圖劉向作列仙列女列士傳皆不在正史光武始詔南陽撰作風俗郡國之書由是作魏文帝作列異以序奇怪嵇康作高士傳以敘聖賢今部而

之謂之雜傳 舊唐志雜傳一百九十四部一千七十八卷

唐西征記

韋弘機傳貞觀初爲左千牛曹參軍使西突厥會石國叛道梗三年不得歸裂裾錄所遇風俗物產爲西征記北還太宗問外國事卽上其書帝大悅 志雜傳記類卷亡地理類戴祚西征記二卷 文選注引戴延之西征記

唐景龍文館記

志武平一撰十卷

崇文目書目同

中宗景龍二年詔修文

館置太學士學士直學士凡二十四員賦詩賡唱是書咸記錄爲七卷又學士二十九人傳爲三卷

記

云天學士四人象四時學士八人象八節直學士十  
二人象十運時 張說文景龍之際六合清謐內峻  
圖書之府外闢修文之館搜英獵峻野無遺才 白  
雲起而帝歌翠華飛而臣賦雅頌之盛與三代同風  
唐兆人本業記

志農家武后兆人本業三卷 會要垂拱二年四月

七日武后撰百寮新誠及兆人本業記頒賜朝集使

唐初學記

志類書類初學記三十卷張說類集要事以教諸王

天部至麟介部

徐堅韋述余欽施敬本張烜李銳孫季良等

分撰

會要開元十五年五月一日集賢學士徐堅

等纂經史文章之要以類相從上制名初學記至是

上之欲令皇太子者王檢事綴文

中興書目神龍

中徐堅掇諸書分門類事附見詩賦銘頌之文

集

賢注記開元十六年正月學士徐堅已下撰成初學

記三十卷奏之賜絹有差寫十本分賜諸王初尹鳳

翔宣敕與燕公云兒子欲學綴文若御覽類文博要

珠英之類部秩廣大卿與學士撰集要事要文以類

相從務要首便

王注卷五十七

三十七

三百五十一

唐翼善記

褚無量傳 玄宗爲太子拜司業兼侍讀撰翼善記以  
進厚被禮答 **志** 儒家類卷亡

唐東封記 漢封禪儀記 見封禪

韋述傳從封泰山奏東封記 **志** 一卷儀注類 初  
學記引張華封禪儀

唐兩京新記

**志** 韋述兩京新記五卷 宋敏求依韋述例撰汴都

事爲東京記三卷又以雍洛遺事爲長安河南志各

二十卷

唐御史臺記

志職官類韓琬十二卷韋述十卷李選御史臺故事

三卷

杜易簡御史臺雜注五卷

集賢注記宋州司

馬韓琬上續史記一百三十卷南征記十卷御史臺

記十二卷

書目韓琬十二卷載唐初至開元御史

臺中制度故事以大夫中丞侍御史殿中監察主簿

錄事分門載次名行事著論一篇叙御史正邪得失

附卷末以爲世戒

嘉祐御史臺記五十卷馮潔已撰

臺有記始於武后時姚庭筠其後韓琬韋述嗣有紀

萬曆十七年

三十五卷

三

監生倪渠



者嘉祐中王疇命潔已續之自建隆之元迄嘉祐八

年凡一百四年分門載名氏行事

潔已極之子爲叙傳兩篇述其父事

附于後

宋聖寵新御史臺記崇寧中續韓琬書用其

規式所異者不爲諸人立傳於儀制令式爲詳

唐王政記

裴遵慶傳初爲郎時著三政記述古今治體識者知

有公輔器

志王政記卷七

郭侯家傳德宗謂李

泌曰朕欲知自古政理之要而史籍廣博卒難尋究

讀何書而可對曰昔魏徵爲太宗畧群書之言理道

者成五十卷謂之群書理要今集賢合有本又肅宗

朝宰臣裴遵慶撰自上古以來至貞觀帝王成敗之政謂之王政記凡六十卷比寫一本送臣欲令進獻於先朝竟未果其書見在臣請進之以廣聖聰上曰此尤善也 盧稹著五常皇極志

唐輔佐記

志職官類賀蘭貞元輔佐記十卷 會要貞元十二年志云十三年十月昭義判官賀蘭貞元進用人權衡輔

佐記各十卷舉選衡鏡三卷志作衡鑒三卷

唐文武兩朝獻替記

志雜史類李德裕獻替記三卷又會昌伐叛記一卷

書目二卷載其在文宗武宗朝論奏始末

唐平戎記

志雜傳類裴肅五卷

休之父

唐九鼎記

志許康佐四卷

唐三足記

盧景亮傳善屬文根於忠仁有經國志嘗謂人君足食足兵而又得士天下可爲也乃興黃帝以來至唐劉治道之要著書上下篇號三足記又作荅問輓運大畧及陳西戎利害切指當世公卿伏其達古今云

志雜家二卷

唐卓異記

志小說家陳翽卓異記一卷憲穆時人裴紫芝續卓

異記一卷書目卓異記一卷開成中李翽撰唐世

君臣盛事如封禪并兩朝三代爲相之類二十七類

崇文總目云陳翽撰乾符中裴紫芝續一卷載唐衣

冠盛事樂史廣卓異記二十卷集聖賢神仙之事崇

目廣唐卓異記三卷唐志雜家李文成博物志十

三卷

唐止戈記

康熙三十六年刊

玉海卷五七

四

三治卷三十一  
二百六十一  
志兵書劉秩七卷

崇文目總集止戈書五十卷

未詳

唐科目記

見科舉

唐四時記

志薛登撰四時記二十卷

唐洽聞記

志小說家鄭遂一卷

崇文目同 晁氏志云鄭常

書目二卷唐

鄭遂類次古今書史異聞凡百五十六條

唐讀書記

舊志儒家讀書記三十三卷王劭撰

唐青宮要記

舊志儒家青宮要記十卷天后撰

唐國朝傳記

志雜傳記類劉餗國朝傳記二卷國朝舊事四卷  
書目傳記三卷凡一百九十事

唐中台志

志傳記類李筌中台志十卷書目十卷李筌錄

弼邪正之尤者起商伊陟終隋虞世基以皇王霸  
亡五者第之而為鑒戒唐相以李林甫陳希烈附皇  
道筌上元中乃自表天寶初迫以綴名云景德中曾

發堯以奎叙事簡略褒貶未當乃為廣中台志八十一  
卷自黃帝得六相而下至于唐末類事為二十四門  
發堯著為臣  
要紀十五篇

唐辨疑志

志小說家陸長源辨疑志三卷 書目三卷辨世俗

派傳之謬

唐通志

舊唐書歸崇敬傳授司業兼集賢學士與諸儒官同  
修通志崇敬知禮儀志與禰允當

唐典章志

法象志

舊唐書李淳風所撰典章文物志等書行於世論前代渾儀得失之差著書七卷名爲法象志奏之

唐禮志

志禮類丁公著禮志十卷

唐孝行志

志雜傳記類趙琬孝行志二十卷柳宗元孝門銘曰在帝有虞以孝烝烝仲尼述經以教于曾惟昔魯侯見命夷宮亦有考叔寤莊稱純

唐經略志

書目唐年經略志十卷張陟撰始征伐四夷終朝貢



皆唐時事。

淳化續翰林志

淳化二年十月辛巳翰林承旨蘇易簡獻續唐李肇翰林志二卷詔藏史館仍賜詩二章又飛白玉堂四字以賜

**唐志**職官類李肇翰林志一卷楊鉅學士

院舊規二卷雜史類韓偓金鑿室記五卷書目次

續翰林志一卷蘇耆撰據易簡所不及載者一十九事附當時名人詩翰林志雜記一卷與士李宗諤集翰苑規制恩例著爲定式祥符中上之天聖四年三月

十五日錢惟演爲金坡遺事三卷太宗御札御詩及

銘共九首真宗詩六首標于上篇終以雜記晁迥別書三事附焉 周必大玉堂雜紀三卷

淳化史氏懋官志

五年四月戊申直史館錢熙至自宋州得趙隣幾所撰補會昌已來日曆三十六卷文集三十四卷所著匏子一卷六帝年畧一卷史氏懋官志五卷他書又五十卷來上詔以錢十萬賜其家

直史館馮起撰御試三榜碑淳化初中允和蒙撰七勝題名記以獻遂直集賢院并補注父疑所撰古今孝悌集成十卷以獻

宋庠掖垣叢志三卷

至道總仙記

見後列仙傳

二年四月知黃州樂史獻百三十七卷目錄四卷帝  
宣示宰臣付史館

景德鹵簿記

三卷景德二年十二月乙巳湖南郊鹵簿使王欽若  
上

大中祥符封禪記 奉祀記 祀汾陰記

祥符元年十二月壬辰龍圖閣侍制陳彭年請自天  
書降至封禪畢編錄藏之秘府詔李宗諤丁謂及彭  
年纂錄謂等起居院編錄至三年十月書成凡五

十卷皆先爲記事次列儀注御製冊祝樂章步虛詞御札詔敕德音表狀頌碑銘記贊分門載之庚申丁謂等上之帝爲製序祀汾陰禮畢亦詔謂等撰記六年八月丁丑成五十卷七年謂與李維等又作迎奉聖像記二十卷降聖記五十卷奉祀記五十卷天禧元年十一月辛亥維等以獻

祥符先天紀 天源錄

祥符八年十月十五日

壬辰

知制誥盛度上聖祖黃

帝天源錄五卷命王曾晏殊編未備事迹二十八日乙巳樞密使王欽若上纂集聖祖事迹十二卷以先

天紀爲名

中興書目二十六卷

御製序九年三月戊午欽若上

續成先天紀三十二卷詔褒之天禧元年六月乙未賜輔臣先天紀人一本

唐志神仙類楊上器注太上元皇帝聖紀十卷

天禧大禮記

天禧元年正月辛丑朔上玉皇寶冊壬寅上聖祖冊  
巳酉上太廟六室寶冊辛亥合祭天地天安殿上尊  
號冊寶上寶冊禮畢亦詔禮儀院撰記時王欽若李  
迪繼判院楊億知院又成天禧大禮記四十卷二年  
正月戊午以獻

宰相欽若等上

天禧五嶽廣聞記

三年二月丙辰宰臣王欽若上會靈志百卷詔名五嶽廣聞記賜序冠篇手詔褒之

封芝翠檢篆玉英辭桂旗羽蓋雲屋風扇

景祐鹵簿圖記

宋綬十卷

慶曆文武賢臣治蜀編年志

書目一卷慶曆初王玉纂章答爲序始唐武德戊寅建慶曆壬午凡四百二十五年治蜀賢臣以年編次

皇祐大饗明堂記

二年九月親祠明堂制度損益多由上裁酌十月詔  
宰臣文彥博宋庠參政高若訥史館王洙編修大饗  
明堂記三年二月五日丙戌彥博等上二十卷目錄  
一卷彥博言編修起三月戊子降詔迄季秋辛亥禮  
成廣記而備言之慮簡牘頗多仰煩聖覽因纂成皇  
祐大饗明堂紀要三卷以聞庚寅內出御製序從所  
請也令崇文院鏤板以賜近臣

治平十國志

熙寧都水名山記

八年七月四日右諫議大夫沈立進都水記二百卷  
名山記一百卷

元豐新修大樂記

三年置局修製太樂知禮院揚傑以前後討論大樂  
奏議所承詔旨編爲三卷又以元祐樂議七篇附卷  
末

建炎中興記

龍圖直學士耿延禧承詔著建炎初繼統事迹一卷  
李綱編建炎時政記三卷自元年五月一日以後  
至八月十八日



建炎進退志

李綱建炎進退志總敘四卷

乾道籌邊國志

三年十二月八日參政蔣芾上

淳熙聖德記

十五年五月十三日左司郎中王正己進皇帝聖德  
孝感記詔付史館

嘉定聖德記

五年九月二十四日吏侍彭龜年之子欽纂龜年勸  
講所得聖語及事實本末名聖德記上之詔付史館

原书缺页157-末